

增注類證活人書卷十二

此一卷說藥證并藥方加減法所謂藥證者藥方
前有證也如某方治某病是也傷寒有證異而病
同一經藥同而或治兩證類而分之參而伍之審
知某證者某經之病某湯者某證之藥然後用之
萬全矣又況百問中一證下有數種藥方主之者
須是將病對藥將藥合病乃可服之假如下利而
心下痞稱十棗湯大柴胡生薑瀉心湯甘草瀉心
湯赤石脂禹餘糧湯桂枝人參湯之類雖均是治
下利而心下痞其方有冷有熱子細詳藥證以對

治之則無不中矣所謂藥方并加減法者仲景傷寒方一百十三道病與方相應乃用正方科有差別卽隨證加減昔人云學方三年無病可醫療病三年無方可治往往世傳爲名論竟不知執方療病或中或否不知加減移咎於方古人用藥如斗運轉故攻病的而取效速一服知二服愈假如理中圓證腎氣動者去白朮小柴胡湯證小便不利者加茯苓蓋脾惡濕腎惡燥白朮治濕茯苓利水故腎氣動者去白朮小便不利者加茯苓以此推之然後知不可執方療病須是隨證加減今於逐

方下說病證用藥加減庶幾修合之際便見治法
兼古方凡稱呔咀者直云剉如麻豆大云一升者
只用一大白盞以古准今易曉而通用也尋常疾
勢輕者只抄麤末五錢匕水一盞半入薑棗煮七
八分去滓服之未知再作病勢重者當依古劑法
古之三兩卽今之一兩也二兩卽今之六錢半也
古之三勝卽今之一勝也料例大者只合三分之
一是也

桂枝湯 一 太陽中風陽浮陰弱發熱汗出惡寒鼻鳴
乾嘔者宜服之。太陽病頭痛發熱汗出惡風者宜
服之。太陽病下之後其氣上衝者宜服之。桂枝

本爲解肌若脉浮緊發熱汗不出者不可與之。太陽病服桂枝湯煩不解先刺風池風府却與桂枝湯。○服桂枝湯大汗出脉洪大者與桂枝湯若形似瘧一日再發者宜桂枝二麻黃一湯。○服桂枝湯大汗出大煩渴不解脉洪大者白虎加人參湯主之。○服桂枝湯或下之仍頭項強痛翕翕發熱無汗心下滿微痛小便不利者桂枝去桂加茯苓白朮湯主之。○傷寒脉浮自汗出小便數心煩微惡寒腳攣急與桂枝湯得之便厥咽乾煩躁吐逆作甘草乾薑湯與之厥愈更作芍藥甘草湯與之其腳伸若胃氣不和與

調胃承氣湯若重發汗如燒鍼者四逆湯主之。○太陽病外證未解不可下也下之爲逆解外宜服。○太陽病先發汗不解復下之脉浮者不愈浮爲在外而反下之故令不愈今脉浮故知在外當須解外則愈宜服。○病常自汗出者此爲榮氣和榮氣和者外不諧也以衛氣不共榮氣諧和故爾以榮行脉中衛行脉外復發其汗榮衛和則愈宜服。○病人藏無他病時發熱自汗出而不愈者衛氣不和也先其時發汗則愈宜服。○傷寒不大便六七日頭痛有熱與承氣湯小

便清者知不在裏當發汗宜服。傷寒發汗解半日
許復熱煩浮數者可更發汗宜服。傷寒醫下之清
穀不止身疼痛急當救裏後身疼痛清便自調急當
救表救裏宜四逆湯救表宜桂枝湯。太陽病發熱
汗出榮弱衛強故使汗出欲救邪風宜服。傷寒大
下後復發汗心下痞惡寒者不可攻痞先解表表解
乃可攻痞解表宜桂枝湯攻痞宜大黃黃連瀉心湯
○太陽病不解熱結膀胱其人如狂血自下下者愈
其外不解者尚未可攻當先解其外外解已但小腹
急結者乃可攻之宜桃核承氣湯其解外宜服已上屬太

陽
○陽明病脉遲汗出多微惡寒表未解宜服○病

人煩熱汗出解如瘧狀日晡發熱脉實者宜大承氣

湯脉浮虛者宜服已上屬陽明○太陰病脉浮可發汗宜

服屬太陰○下利腹脹滿身疼痛者先溫裏乃攻表溫

裏宜四逆湯攻表宜服屬厥陰○吐利止身痛不休宜

桂枝湯小和之屬霍亂

桂枝
芍藥各參兩

甘草貳兩炙

右剉如麻豆大每服抄五錢匕水壹盞半入生薑
五片棗子貳枚煎至壹盞去滓溫服須臾飲熱稀
粥壹盞以助藥力溫覆令一時許遍身熱熱微似

有汗者佳○

法加減

桂枝湯自西北二方居人四時

行之無不應驗江淮間唯冬及春可行之自春末

及夏至已前桂枝證可加黃芩一分謂之陽旦湯

夏至後有桂枝證可加知母半兩石膏一兩或加

升麻一分若病人素虛寒者正用古方不在加減

也○戒曰桂枝最難用雖云表不解脉浮可發汗

宜桂枝湯須是病人常自汗出小便不數手足溫

和或手足指稍作微冷少頃却溫身雖微似煩而

又增寒始可行之若病人身無汗小便數或手足

冷不惡寒或飲酒家不喜甘者慎不可行桂枝也

仍有桂枝證服湯已無桂枝證者尤不可再與

桂枝麻黃各半湯二太陽病得之八九日如瘧狀發

熱惡寒熱多寒少其人不嘔清便欲自可一日三三

度發脉微緩者爲欲愈也脉微而惡寒者此陰陽俱

虛不可更發汗更下更吐也面色反有熱色者未欲

解也以其不能得小汗出身必痒宜服屬太陽

桂枝

芍藥

甘草

炙各八錢

麻黃

半兩湯泡焙秤

杏仁

一十二箇湯浸去皮尖兩仁者

右剉如麻豆大每服抄五錢匕生薑四片棗子一

枚水一盞半煮至八分去滓溫服

又見辯誤

桂枝二麻黃一湯三服桂枝湯大汗出脉洪大者與

桂枝湯如前法若形似瘧一日再發者汗出必解宜

服屬太陽

桂枝八錢

芍藥五錢

杏仁八箇沸湯浸去皮尖

甘草二分半炙

麻黃三錢一字湯泡去黃汁焙乾秤

右剉如麻豆大每服抄五錢匕生薑四片棗子一

枚水一盞半煮至八分溫服以微汗為度又見辨誤

桂枝二越婢一湯四太陽病發熱惡寒熱多寒少咏

微弱者此無陽也不可發汗宜服之屬太陽

桂枝

芍藥

甘草各半兩



石膏

六錢槌碎

麻黃

半兩湯泡去黃汁焙乾秤

右判如麻豆大每服抄五錢匕生薑四片棗子一

枚水一盞半煮至八分去滓溫服

又見辯誤

桂枝加桂湯

五

燒鍼令其汗鍼處被寒核起而赤者

必發奔豚氣從小腹上衝心者灸其核上各一壯與

此藥

屬太陽

桂枝

五兩

芍藥

三兩

甘草

炙二兩

右判如麻豆大每服抄五錢匕生薑四片棗子一

枚水一盞半煮至八分去滓溫服

桂枝湯加桂以桂能泄奔豚之

氣也



桂枝加附子湯 六 太陽病發汗遂漏不止其人惡風

小便難四支微急難以屈伸者宜服之 屬太陽

桂枝 去皮 芍藥 各一兩半 甘草 一兩

附子 炮去皮用半箇

右剉如麻豆大每服抄五錢匕生薑四片棗子一

枚水一盞半煮至八分去滓溫服

桂枝去芍藥湯 七 太陽病下之後脉促胸滿者宜服

之 屬太陽

桂枝 一兩半去皮 甘草 一兩

右剉如麻豆大每服抄五錢匕生薑四片棗子一

枚水一盞半煮至八分去滓溫服芍藥味酸脉促胸滿恐成結胸

故去芍藥佐則單用
辛甘發散毒氣也

桂枝去芍藥加附子湯八太陽病下之後脉促胸滿

者桂枝去芍藥湯主之若微寒者宜服之屬太陽

桂枝一兩半
去皮甘草一兩
炙附子去皮尖
半箇炮

右剉如麻豆大每服抄五錢匕生薑四片棗子一

枚水一盞半煮至八分去滓溫服小便利即愈

桂枝去桂加茯苓白朮湯九服桂枝湯或下之仍頭

項強痛翕翕發熱無汗心下滿微疼小便不利者此

主之屬太陽



芍藥

茯苓

白朮

各一兩半

甘草

一兩炙

右剉如麻豆大每服抄五錢匕生薑四片棗子二

枚水一盞半煮至八分去滓溫服小便利即愈

桂枝去芍藥加蜀漆牡蠣龍骨救逆湯十傷寒脉浮

醫火劫之亡陽必驚狂卧起不安者此主之

桂枝

蜀漆

各一兩半

甘草

一兩炙

牡蠣

二兩半

龍骨

二兩

右剉如麻豆大每服抄五錢匕生薑四片棗子一

枚水一盞半煮至八分去滓溫服

桂枝加芍藥生薑人參新加湯

十一發汗後身疼痛

脉沈遲者此主之

屬太陽

桂枝

人參

各一兩半

芍藥

二兩

甘草

一兩炙

右剉如麻豆大每服抄五錢匕生薑四片棗子

一枚水一盞半煮至八分去滓溫服

桂枝加芍藥湯

十二

太陽病反下之因腹滿痛屬太

陰此主之

桂枝

三兩

甘草

二兩炙

芍藥

六兩下利者先煎芍藥三四沸

右剉如麻豆大每服抄五錢匕生薑四片棗子一

枚水一盞半煮至八分去滓溫服

桂枝加大黃湯十三 太陽病反下之因腹滿痛屬太

陰桂枝加芍藥湯主之大實痛者此主之

桂枝六分去皮 芍藥三兩 甘草一兩炙

大黃二兩 痛甚者加大黃大實痛者加一兩半羸者減之

右剉如麻豆大每服抄五錢匕生薑四片棗子一

枚水一盞半煮至八分去滓溫服又見辯誤

桂枝甘草龍骨牡礪湯十四 火逆下之因燒鍼煩躁

者此主之屬太陽

桂枝半兩去皮 甘草炙 牡礪熬

龍骨各一兩



右剉如麻豆大每服抄五錢匕水一盞半煮至八

分去滓溫服

桂枝甘草湯十五發汗過多其人叉手自冒心心下

悸欲得按者此主之屬太陽

桂枝二兩 去皮

甘草一兩 炙

右剉如麻豆大每服抄五錢匕水一盞半煮至八

分去滓溫服

桂枝人參湯十六太陽病外證未除而數下之遂協

熱而利利下不止心下痞鞭表裏不解者此主之

桂枝一兩 三錢

甘草一兩 三錢 炙

乾薑炮

